

virkjum húseiganda, svo og lóð húseiganda, ef hún er eignarlóð hans, næstu tvö 202
 ár eftir gjalddaga með forgangsrétti fyrir hvers konar sammingsveði og aðfarar- 30. des.
 veði. Gjaldnagi holræsagjalds er 1. maí ár hvert, en kostnaður við lagningu holræsa
 greiðist að lögn lokinni.

5. gr.

Brot gegn reglugerð þessari varða sektum allt að 1 000.00 krónum.
 Mál út af brotum gegn reglugerð þessari skal fara að hætti opinberra mála.

Reglugerð þessi, sem samin er og samþykkt af hreppsnefnd Selfosshrepps,
 staðfestist hér með samkvæmt lögum nr. 15 20. júní 1923, til þess að öðlast gildi
 þegar í stað og birtist til eftirbreytni öllum þeim, sem hlut eiga að máli.

Jafnframt er úr gildi felld reglugerð um holræsi og holræsagjöld fyrir Selfoss-
 kaupún nr. 193 7. okt. 1943.

Félagsmálaráðuneytið, 30. desember 1958.

Friðjón Skarphéðinsson.

Hallgrímur Dalberg.

REGLUGERÐ

um holræsi í Hvolsvallarkauptúni í Rangárvallasýslu.

203

30. des.

1. gr.

Þegar Hvolhreppur hefur látið leggja holræsi í veg, götu eða annað opið svæði
 eða þar sem hreppurinn hefur tekið að sér viðhald og endurnýjun eldri holræsa,
 er þeim húseigendum, er þar eiga hús eða í námunda við, skylt að leggja á sinn
 kostnað ræsi frá húsinu, sem flytji allt skulp frá því út í aðalræsið.

Regnvatn af húsum og lóðum skal einnig, eftir því sem unnt er, leiða í ræsið.

Vanræki einhver húseigandi að láta gera ræsi, skal hreppsnefnd heimilt, með
 hæfilegum fyrirvara, að vinna verkið á kostnað húseigandans.

Bannað er að leiða frárennsli úr gripahúsum í holræsi hreppsins.

2. gr.

Áður en húseigandi byrjar að leggja ræsi sitt, skal hann skýra oddvita eða
 þeim, sem hreppsnefnd hefur falið umsjón með lagningu holræsa frá því, og fá
 samþykki þar til.

Skylt er húseiganda að hlýða fyrirmælum umsjónarmanns í öllu því, er að
 tilhögun og lagningu ræsanna lýtur, enda hafi umsjónarmaður ávallt eftirlit með
 því, að vel og örugglega sé frá öllu gengið.

3. gr.

Kostnaður allur við aðalholræsakerfið greiðist úr hreppssjóði.

Til að standast þann kostnað, svo og viðhald aðalholræsakerfisins, ber hverj-
 um húseiganda eða íbúðareiganda, sem á hús við götu, veg eða opið svæði, þar
 sem holræsi er lagt, að greiða tengigjald um leið og hann tengir ræsi við aðal
 holræsi, kr. 1 000.00, miðað við hús með einni íbúð.

Hækkar gjald þetta um kr. 300.00 við hverja íbúð í húsinu umfram eina, sé
 eigandinn hinn sami að öllum íbúðunum.

Verksmiðjur, sölubúðir, þvottahús, félagsheimili, sláturhús, frystihús, iðnfyr-
 irtæki o. fl. þess háttar, greiða tengigjald kr. 1 500.00.

203 Auk tengigjaldsins skal húseigandi eða íbúðareigandi greiða árlegt holræsa-
30. des. gjald til hreppsins kr. 200.00 af hverju húsi (eða íbúð) og enn fremur 2% af fasteignamati hússins.

Ef fleiri en ein íbúð er í húsi, skal greiða kr. 200.00 fyrir hverja eina, sem umfram er.

4. gr.

Hið árlega holræsgjald svo og tengigjald, getur hreppsnefnd hækkað eða lækkað eftir atvikum um allt að 50%, þó skal niðurfjöfnun gjaldsins á hverjum tíma, miðast við nauðsynlegustu þarfir.

5. gr.

Holræsgjaldið greiðist af húseiganda og er hann einn ábyrgur fyrir greiðslu þess gagnvart hreppsnefnd.

Kröfur sem hreppsnefndin kann að öðlast samkvæmt reglugerð þessari má taka lögtaki á kostnað gjaldanda, og eru gjöld þessi tryggð með lögveði í húseigninni í næstu tvö ár eftir gjalddaga, með forgönguveðrétti fyrir hvers konar samnings og aðfararveði.

Gjalddagi holræsgjaldsins er 1. maí ár hvert.

Gjaldið greiðist oddvita hreppsins eða þeim, sem hreppsnefnd felur innheimtu þess.

6. gr.

Brot gegn reglugerð þessari varða sektum allt að 500.00 kr., nema þyngri refsing liggji við að lögum.

Með mál út af brotum gegn reglugerðinni skal fara að hætti opinberra mála.

Reglugerð þessi, sem hreppsnefnd Hvolhrepps hefur samið og samþykkt og gerð er samkvæmt lögum nr. 15 20. júní 1923, staðfestist hér með til að öðlast gildi 1. janúar 1959, og birtist til eftirbreytni öllum þeim, sem hlut eiga að máli.

Jafnframt er úr gildi felld reglugerð nr. 13 29. jan. 1957, um holræsi í Hvolsvallarkauptúni í Rangárvallasýslu.

Félagsmálaráðuneytið, 30. desember 1958.

Friðjón Skarphéðinsson.

Hallgrímur Dalberg.

204

30. des.

G J A L D S K R Á

fyrir vatnsveitu Stórólshvolshverfis í Rangárvallasýslu.

1. gr.

Vatnsskatt greiði notendur veitunnar árlega samkvæmt eftirfarandi reglum:

- a. Fyrirtæki svo sem sláturhús, frystihús, almennings þvottahús og uppþvottastöðvar bifreiða, greiði vatnsskatt, sem hreppsnefnd Hvolhrepps ákveður fyrir eitt ár í senn.
- b. Aðrir, sem fá vatn frá veitunni greiði skattinn af öllum húsum sínum samkvæmt gildandi fasteignamati og sé skatturinn 10% af þeim húsum, sem metin eru allt að 100 000.00 krónur, en af þeim húsum, sem metin eru hærra sé skatturinn 6%.

Vatnsskattur má þó aldrei lægri vera en 500 krónur. Séu tvær eða fleiri fjölskyldur (íbúðir) í sama húsi, verður vatnsskattur fyrir hverja eigi lægri en 500 krónur.